




Republika e Kosovës
Republika Kosova - Republic of Kosovo



AGJENCIA KUNDËR KORRUPSIONIT
AGENCIJA PROTIV KORRUPCIE
ANTI - CORRUPTION AGENCY

Dep. _____	Br. Prot. _____
Dep. <u>DPK</u>	Br. Prot. <u>03-03/152/19</u>
Nr. i flet. _____	Data _____
Nr. i flet. <u>03</u>	Data <u>06-02-2019</u>
Nr. i flet. _____	Data _____
Nr. i flet. _____	Data _____
PRISHTINE	

DATË/A:	06.02.2019
REFERENC-Ë:	AKK- DPKPP /03-03-148/19
PËR/ZA/TO:	z. Fatmir GJONBALAJ, Menaxherr i Zyrës së Prokurimit në Telekomin e Kosovës SH.A
CC:	z. Bedri ISTREFI, Krye shef Ekzekutiv në Telekomin e Kosovës SH.A
PËRMES/PREKO/THROUGH:	z. Shaip HAVOLLI, Drejtor i Agjencisë kundër Korrupsionit
NGA/OD/FROM:	Afrim ATASHI, Drejtor i Departamentit për Parandalimin e Korrupsionit
TEMA/SUBJEKAT/SUBJECT:	Opinion me lidhur me Tenderin titull: "Shërbim i lavazhit të automjeteve të Telekomit të Kosovës"



I nderuari z. Gjonbalaj,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të LIGJIT nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3) të Ligjit nr. 06/L-011 për Parandalimin e Konfliktit të Interesit në Ushtrimin e Funkcionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "**Shërbim i lavazhit të automjeteve të Telekomit të Kosovës**", me numër të prokurimit: TK-19-230-2-3-6, dhe me nr. të brendshëm: TK 19 002 236, Agjencia kundër Korrupsionit ofron këtë:

OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin: "**Shërbim i lavazhit të automjeteve të Telekomit të Kosovës**", me numër të prokurimit: TK-19-230-2-3-6, dhe me nr. të brendshëm: TK

19 002 236.në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L. -237, Ligjin nr. 05/L-068 dhe Ligjin nr. 05/L-092.

Arsyetimi

Agjencia kundër Korrupsionit (në tekstin e mëtejme Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 04 Shkurt 2019, ka nxjerrë vendim me numër protokolli: *DPK 03-03/148/19*, për fillimin e procedurës për trajtimin e rastit në lidhje me aktivitetin e prokurimit publik me titull: "**Shërbim i lavazhit të automjeteve të Telekomit të Kosovës**", me numër të prokurimit: TK-19-230-2-3-6, dhe me nr. të brendshëm: TK 19 002 236, i iniciuar nga Autoriteti kontraktues Telekomit të Kosovës SH.A.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurën e Kuotimit të Çmimeve në kohëzgjatje prej 12 muaj, të llojit shërbime, me vlerë të vogël të parashikuar prej 4.800.00 €.

Agjencia në bazë të dokumenteve të nxjerra nga platforma ***E-Prokurimi*** ka vërejtur se në dosjen e tenderit, tek Aneksit Specifikimet Teknike të detyrueshme ka kërkuara ***Lokacioni i OE ku pastrohen automjetet zyrtare të TK SH.A. të mos jetë më larg se 3km nga Objekti Kryesor Dardani Prishtinë***. Kërkesë kjo për të cilën AKK konsideron se nuk është në pajtim me dispozitat e Ligjit në fuqi për prokurimin publik më saktësisht me nenin 7.

Agjencia, konsideron se me formulimin e kësaj kërkesë Autoriteti kontraktues ka bërë diskriminim territorial në kundërshtim me nenin 7 paragrafët 1, 2, 3 dhe 4 të Ligjit në fuqi për prokurimin publik ku në paragrafin 1 në mënyrë decisive thuhet se "Autoriteti Kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente".

Paragrafi 2 parasheh se "Autoriteti Kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shumë operatoreve ekonomik".

Paragrafi 3 "pa e cenuar paragrafin e mësipërm, Autoritetit Kontraktues posaçërisht i ndalohet që të përcaktojë nevojat e veta që duhet të përmbushen, specifikojë lëndën që do të prokurohet, ndajë ose përmbledh sasi të artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatorëve ekonomik".

Në paragrafin 4 parashihet se Autoriteti Kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik “. Me formulimin e kësaj kërkesë Autoriteti Kontraktues diskriminon Operatorët Ekonomik që janë në largësi më tepër se 3 km dhe në të njëjtën kohë mund të krijoj kushte favorizuese për Operatorët Ekonomik që janë brenda perimetrit prej 3 km.

Autoriteti Kontraktues në zbatim të nenit 7 të këtij Ligji, duhet të sigurojë pjesëmarrjen sa më të gjerë të mundshme të Operatorëve Ekonomik të interesuar. Për më tepër Autoriteti Kontraktues duhet të i u jap mundësinë Operatorëve Ekonomik që janë jashtë perimetrit 3 km që të nënshkruajnë marrëveshje bashkëpunimi, qiramarrje me pikat e Operatorëve Ekonomik që ofrojnë shërbime që ndodhen në hapësirën e kërkuar dhe në të njëjtën kohë i mundëson Autoritetit Kontraktues të mos krijoj shpenzime të larta me rastin e këtyre shërbimeve.

Veprimet e Autoritetit Kontraktues, konsiderojmë se bien ndesh me nenin 7 Barazia në trajtim dhe jo-diskriminimi të Ligjit për prokurimin publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

Konsiderojmë se shkeljet e tilla nuk duhet lejuar ne aktivitete të prokurimit, andaj Agjencia kundër Korrupsion rekomandon që të evitohen këto shkelje, përmes njoftimit standard për informata shtesë dhe përmirësimin e gabimeve, duke i njoftuar te gjithë operatorët ekonomik të cilët e kanë tërhequr dosjen e tenderit.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Me respekt !